

OMUKWETU

Registered at the General Post Office as a Newspaper



A hepele muuyuni waPontius Pilatus

Okuza keso lyaJesus sigo onena, aantu momapangelo gomookoloni moka tamu longo oonkondo dhomapangelo gopondje, otaa lyaathana nokulumatathana ngomafuma gu umbilwa moshilambo. Hamokati kaapagani ayeke ihe nomokati kooitaali wo. Omuna gwaKalunga okwa li a sile pethimbo lyoshipilili shombepo ya tya ngeyi.

Epangelo lyaisrael kalya li hali vulu okuninga omatokolo galyo miinima ayihe. Olya li na ongamba. Miinima iinene niidhigu oya li ye na okupulakena kepangelo lyaRoma, ndyoka tali ya pangele pethimbo ndiyaka. Ndjayi Komufala Pilatus, ngoka edhina lye hali tumbulwa kooitaali oyendji mehempululo lyeitaalo Osoondaha kehe, pethimbo lyetu oye a li omupokati gwepangelo lyoshilongo naandyoka lyaRoma.

Umbanda nomalimbililo osho wo ombepo yokwiihola nokugamena epangelo lye li mone ompito yokutsikila nawa mokoloni ndjiyaka, osho sha li tashi pangele unene muye pethimbo lyoompangu dhaJesus. Pamwe nodha yalwe wo.

Ihe kombinga onkwawo, otu lwete okwaavula sha kwoshigwana shiyaka nyololoko lyombepo yekondjelomanguluko, oye ya hingile muukwatya nomnkalo yokutonatelathana owala noyokulyaathana ko kepangelo. Olwindji onkalo ndjika otayi holoka ongeipololokitho lyondjahi yaangoka wa geela e ku vule oonkondo, tayi zi melalakano inaali adha ethikilo. Onkalo ndjika oyo wo tayi pangele miigwana oyindji yaAfrika yi liwe kothingo koonkondo dhopakoloni methimbo lyetu.

Aajuuda osho ya gandja ngaaka omuwayina, Jesus, nomukwashigwana shawo kungoka ye mu tonde shili noinaa zimina nando epangelo lye, ongaamboka ye lyaathane nombili po pwaa na ondjo yi shi kutumbulwa. Noshho tashi tsikile mookoloni dhonena sho oyendji taa gandjwa mokusa nomuuyina woludhi kehe, kaaleli mboka taa iyogo kiihaha nokuhempulula:

"Katu lwete ondjo ye," ihe aantu yoshilongo shaandjawa nenge yepangelo lye, oyo ye mu gandja kutse.

Eutho eyuuki otali ethiwa po nonando ye na uuthemba woku li popila, ihe otaku talwa uwanawa wongundu yimwepo owo waa gwile pevi.

Ehempululo lyeitaalo lyaakriste nge twe li hempulula nomopaasa ndjika nenge methimbo tali landula, otatu thiminikwa meiuvo lyetu tu li dhiladhilule nkene tali ti kutse nena muAfrika, unene oshitopolwa shono:


"A hepekwa muuyuni waPontius Pilatus."

Otwa pumbwa omeho omape tu dhimbulule wo nkene katu na Kristus ngoka a hepelele ashike mompangu yaPilatus, ihe ngoka ta hepa note ehama sigo onena mookoloni adhihe dhopehimbo ndika.

Eso lyaJesus ndyoka lya zile moompangu tadhi wilikwa kuPilatus, mulyo omwa zi omwenyo gwa fulukile nuuyuni auhe. Omahepeko gaKritsus maa-



Ethimbo sho lya thikana Jesus okwa kuutumba poshililo nAayapostoli pamwe naye nokwe ya lombwele: Onda yuulukwa komwenyo okulya onzi ndjika ya pasa pamwe nane manga inaandi hepekwa. Oshoka otandi mu lombwele, itandi yi li we sigo tayi ka gwanithwa moshilongo shaKalunga Luk.22:14-16.



na ye pethimbo ndino, katu shiwo shono tashi zilemo aahepeki ye.

ONDA KANITHA YAKWETU

Onda kanitha yakwetu manga tu li mondjila tatu zi kuJohannesburg tu uka kuSuidwes eti 28. 8. 1972. Okuza muKimberley okwaadha De Aar, yakwetu oya thigi ndje moshikoto sheshina noinatatu monathana we sigo onena.

Omadhina gaalumentu mbaka oAndreas Kalola, Mariental naAbraham Ndatipo, Tsumeb. Ngoka wa tseyaa alumentu mbaka mpo ye li, tseyithila ndje alikana, oshoka okukana kwawo okwa limbilika ndje, pamwe oya mona nando oshipoonga.

Kefas H. V. Namupolo
Posbus 3, Swakopmund

Uuyuni wa hanganithwa — dr. L. de Vries

2Kor. 5: 14 - 21

Ohapu yehanganitho, uuyuni sho wa hanganithwa kuKristus, osha holola ishewe uukwasihili washo nopethimbo ndika pamikalo dhopaali. Shotango evangeli ndyoka li li po oshitsa shopokati nomuwiliki gwelongo lyuukriste, olya kutha eha lyopokati moshikundathanwa shetopauko lyoongerki. Noshikwawo, ohapu yehanganitho, itayi kuthwa kumwe nohapu yombili, **mokati kiigwana.**

Aakriste mboka yi ikwatakanitha nehanganitho otaa humbatelathana esiloshimpwiyu lyombili, opo yi kale miigwana. Oku na omapulo ogendji kaaga vulu okupewa omayamukulo, unene moshinima shoka sha hugunina. Onkee sha pumbiwa oongerki dhi konakone natango Etestamendi Epe shoka tali lalakanene mekwatathano **nehanganitho lyaKristus.**

Oshitya sho shene "ehanganitho" pashigreka, "katallaso/katallage" mEtestamendi Epe otashi ku pe euvoko kutya otashi popi aluhe edhimopo lyoondjo, ihe paPaulus oye ha tumbula olwindji ehanganitho. MuKaaroma 5:6-8 na Ef. 2:14, ehanganitho otashi ti okukutha po uutondwe, hadheminathanopo lyoondjo. Ehanganitho mekwatathano **nombili** otatu shi adha Rom. 5:1 Kol.1:20 Ef.2:14,17.

Otatu vulu okufatula ngeyi ehanganitho paPaulus okwiigandja komutondi gwoye mu tunge ombili. Paulus ota dhiladhila mpaka eendathano lyomuntu naKalunga ke. Kalunga ti igameke komuntu mesilohenda lye lyaa na ondjele, opo uutondwe pokati komuntu naye u kandulwepo. Paulus okwa longitha oshitya osho tuu shoka "okuhanganitha" sho ta popi uuna ekwatathano pokati komulumentu nomukiintu gwe sho lya teka nehanganitho ndyoka tali ningwa po.

MEtestamendi Ekulu oshitya "ehanganitho" osha tumbulwa kashona kowala, ihe omo shi li wo. Naampoka tashi popiwa opo mpoka uuna Kalunga ta sile ohenda sho te yi indilwa komuntu. Shono tashi tu kumitha melaka lyaPaulus osho shoka, kutya Kalunga oti ihanganitha nuuyuni nonaantu, wo uuyuni naantu kaye na shono taa gwedhele po.

Mpaka iilonga otayi zi kuKalunga nuuyuni otau ashike omutaambi gwehanganitho ndika. Ngaashi ootekisti dhaPaulus aluhe tadhini nyengana okupikulwa, osho wo naandjika yi li.

Elongo lyomanyolo

Shono sha ningilwa Aakorinto, evangeli sho lya thiki nokuyo, Paulus ote shi tala osha simana muuyuni auhe. Kalunga ngoka ta popiwa mpaka mekwatathano nehanganitho, oye wo Kalunga komEtestamendi Ekulu. Euvitho lyaPaulus oli na sha nuuyuni auhe mboka wi iteka Kalunga, wa tonda Kalunga. Na Paulus nge ta popi iilonga yehanganitho, ita popi shono kaashi shi kugumwa ando, sha kuthwa owala momalongo gi ili nogi ili taga popi uukriste, aawe.

Paulus ota popi shono sha ningwa meshito lyuuyuni mbuka moka Kalunga omunamwenyo ta kala omupangeli. Ehanganitho olya ningwa methimbo lyontumba, kokutya oshiningwa shomestoli lyethimbo, Kalunga e ya muuyuni nokwi igandja kuuyuni, manga uuyuni kombinga yawo kau na shono wa ningi po. Shika osho ehanganitho lya gandjwa omagano pwa na elongelo lyasha. Paulus ota holola omadhiladhilo ngaka mekwatathano noshilonga shehanganitho ndyoka lya longelwa uuyuni,

a) Ngoka a li nethiminiko pu ningwe ehanganitho, oKalunga mwene. Uuyuni inau pulwa nando sha u shi ninge kombinga yawo.

b) Etokoko lyomuntu sho a tokoka ko kuKalunga nokwa lamba oondjila dhe, osho she etitha po uulunde mboka molwawo ehanganitho li na okuningwa po. Nando Paulus ita popi mpaka ondjahi yaKalunga omoluuulunde, otu na mpoka tatu shi dhimbulula kutya, oya longithwa ngokukondjitha uulunde.

Ekondjitho lyaKalunga sho ta kondjitha uulunde nondjahi, itashi talika nenge kashi shi ku uvika ko kutya muKalunga kamu na ohole. Kalunga ina shunitha ondjahi ye, osho Paulus ta holola, ihe ondjahi ndjoka oya hwamene mOmwana ngoka kwa li kee shi uulunde, nokwa ningwa uulunde omolwetu 2Kor. 5:21.

Jesus Kristus okwa ningwa uulunde kuKalunga, kokutya, Kalunga okwe mu pe edhina "omulunde" no ine mu sila nande ohenda, ihe okwa li e na okufutwa ondjambi yuulunde, kokutya eso. 2Kor. 5:15

Kristus okwa pingakanithwa nuuyuni, nenge uuyuni owa pingakanithwa naKristus. Shoka otashi ningi ehistolli lyaJesus li kale ehistolli lyuuyuni. Ehistolli lyoshilonga shekulilo muuyuni.

OMAPULO OMANENE

Edhiko lyoshilonga shehanganitho otali pendula omapulo ngaashi ngaka:

NENA JESUS OKWA YI KEYANA EDHINA GETSEMANE NOKWA TI KAALONGWA YE: KUUTUMBENI MPAKA MANGA TANDI KA GALIKANA.



Oye okwiikutha puyo okakako ke thike pedhadhigo lyemanya nokwa tsu oongolo nokwa galikana a ti: Tate, ngele wa hala kutha ndje oshitenga shika, ihe hahalo lyandje, aawe, o-lyoye. Oye nokwa adhika kuuwehame owindji nokwa galikenenene.

Ano sho kwa zimbuka okugalikana okwe ya kaalongwa ye nokwe ya adha ya kotha nokwa ti kuyo: Oshike mwa kotha, pendukeni ne mu galikane. Luk.22:41-46.

1. Omolwashike omainyengo guuyuni taga holola natango kutya ope na okwaagwana kwasha pokati kaKalunga nuuyuni? Otashi holola nawa komatiko gombinzi, kiita, ondjala, uuvu nosho tuu omathindilathano gokongudhi. Shika hasho nani tashi ulike kutya ehanganano pokati kaKalunga nuuyuni oshinima shonakuyiwa?

2. Ngele uuyuni owa hanganithwa naKalunga molwaKristus, omolwashike Kalunga ite u hulitha po mbala?

Paulus nomapulo ngaka oku na omadhiladhilo gi ili. Kombinga yaKalunga oshili kutya oshilongakulilo osha pwa, ihe kombinga yomuntu oku na sha natango shono Kalunga a tegelela eyamukulo li ze komuntu. Neyamukulo ndika omuntu a tye, "eeno, nomutima gwepandulo. Ngele omuntu ota kala ethimbo alihe a nyengwa okuyamukula papupi ngeyi, "eeno," nena ekulilo otali kala lya fa inaali gwana aluhe.

Kalunga ota kongo omuntu e mu longe nokutseyithile oshilonga shoka she mu ningilwa.

"Hanganithweni naKalunga." Okuhanganithwa huka otashi ti kutya okukala mo ehanganano. Inatu tegelelwa tu ete po sha oshipe, ngaashi wo inashi tegelelwa shi etwe po kuuyuni, okuninga etokolo kombinga yetu ngele otatu tsikile natango okukala noo-

Tala kep. 4



Efimbo eli Jesus okwa ti kongudu yovanaita naye: Nye omwa fa mwa endela o-mulunga mu na omikonda needi-bo okukwata'nge. Eshi osha ningwa omishangwa di wanifwe. Ovahongwa vaye ove mu fiya po va ya onhapo.

Mat.26:55-56.

ntamanana naKalunga muulunde wetu, nonando twa longelwa ondjila yekulilo.

Inatu shi dhimbweni wo kutya pamadhiladhilo gaPaulus, ehanganitho nombili kayi na oshiityo shimwe, nde oya tegama. Ekulilo otali gandja ombili nenyanyu. Ongerki ndjoka tayi uvitha ekulilo, otayi kongo wo ombili

Ngoka a taamba elaka lyekulilo, ota ningi omwiitaali. Eitaalo otashi ti ekulilo li ninge oshilikolwa she, ndyoka lya zi muJesus Kristus. Ombili ndjoka tayi zi mekulilo, itayi dhimbulukwa ashike mongerki momalengelokalunga nomomasakramendi omayapuki, ihe otayi taandele muuyuni auhe nkoka ekulilo inaali tseyika, nenge inaa hala oku li taamba. Ope na wo oshitya shi thike pushika ekulilo, shono inaatu shi eta nando moshipopwa shika, osho **Eyukipalitho. Oshipopiwa shika ehuku lya kuthwa moshipopwa shomuwilikingerki dr. de Vries, e shi ningi otundimbibeli moshigongi shotango shaVELKSWA 1972.**

OWAMBO OYA HALA OKULIPANGELA

Osho oshipalanyolo sha holoka moshifo shepangelo la S.A. sheti 11.4.73. Koshi yoshipalanyolo eshi okwa tiwa kutya efaneko la etwa koshilyo shikulunhu, ohamba Filemon Elifas, momutumba wEpangelo lOwambo, ola tambulwa pehe na ekondjifo, kutya eindilo li tumwe komupresidende wa S.A. Owambo i pewe epangelo liyadi okudja lotete laMai neudo.

Okwa tiwa yo natango kutya ehokololo lokangudu komaufomhango ka endele mOwambo omolwoshinima eshi, nalo ola tambulwa nawa kOraata ei. Okangudu aka oka li mewiliko lomufitaongalo Kornelius Ndjoba.

Oshifo osha ti natango kutya, ehokololo lokangudu otali yandja ewedelo loilyo ipe mOraata ei. Eshi ve li paife 42 aveshe kumwe, paife otava ka fika 56. Eshi otashi ti kutya, oshilongo keshe otashi kalelwa po kovanhu vahetatu, havaheyali vali ngaashi nale.

(Vatatu vavo ovo aveke tava hoolowa koshiwana, nde vatano otava ulikwa ashike).

Momotumba omu mwa etwa yo efaneko lenangeko lokambinete nolehoololo lominsteli onghulunhu. Oministeli onghulunhu otai ka nangeka yo eeministeli 6 moilonga yado, tava kufwa mOraata. Tashi ti moshilongo keshe otamu kufwa oshilyo shimwe shi ninge oministeli.

Omutumba wepangelo lOwambo owa hovelele neudo 9 Apilili mOngwediva.

OLUDALO LAHAUANGA TALI MU PANDULA

Ofy e oludalo latate Hauuanga pamwe name yetu omufiyekadi Marta Hauuanga, ohatu mu pandula komayakulo oo mwe tu yakula nao moluhodi letu.

Nohatu pandula oomeme nootate novamwameme eshi mwa kala noku hekeleka eemwenyo detu neendjovo daKalunga, Kalunga ne mu punike ye ne mu pe eenghono mu ka twikile omayakulo kovamwameme muKristus.

Ookaume mOushimba nokombanda yomafuta, omayakulo eni okwa fika yo nokufye. Kalunga ne mu punikile kwaasho mwe tu ningila. Inatu dimbwafaneni momailikaneno. Dimbulukweni kutya omayakulo eni kae shi oshimha, ndelene omOmwene.

Nafye yo natu teeleleni nokwiididimika osheshi euyo lOmwene oli li popepi.

Ponhele yeefie daMalakia Hauuanga.

Claudia Hauuanga



Eshi ve mu sheka, ove mu dula oshikutu nde tave mu dike oikutu yaye mwene. Ve mu pitifa mo mohofa nde tave mu twala ve ke mu valele komushiyakano.



Omakwa aa wa mona, oange ou nda nyona. Inandi dulika ndi li nakuhandukilwa. Peemhadi doye ndi li ndi filwe onghenda Mukulili.

Egoya olya mona iita tayi ya moshilongo

Okwa li ku na omukulukadhi e na okanona ke ke na omvula yimwe netata. Okaana oka li po taka dhana pooha popepi nayina manga yina i ipyakidhila niilonga. Okanona sho ka li po okashona manga kaa ke shi okupopya, ohaka ti owala; "Aa, aa, ii."

Okanona okatameke okwiithana yina: "Meme, meme, aa, ee!" Yina ota zimine owala ye ta tsikile niilonga ye. Okanona okatsikile ngaaka sigo ki ikoko po ka yi kuyina take mu hili mohema taka kokoma: O-o-o-

Yina a tye tuu ngeyi, nani okanona oke lwete eyoka tali ya. Shika osha li sha halutha yina.

Kalunga okwa shita omuntu e na oondunge nando na kale omushona nenge kee shi okupopya. Omuluudhe momeho gomutiligane okwa fa okanona kaake shi okupopya nenge egoya. Oohapu dhe itadhi landulwa nando na popye. Ihe aaluudhe wo otaa vulu okumona oshiponga tashi ya mokati kaantu. S.S.Nakambunda

Kalunga ita pula uuyuuki miilonga yetu

Kombinga yokuhungathana nokukwathathana pamwenyo, otu na iiholelwa liwanawa mOmbimbeli, unene embo IyaJob. Moku li lesa noku li konakona aahungimwenyo oya mono uudhigu mokuninga oonkambadhala dhokukwatha omukwetu.

Job okwa li e na aakwathi mboka kwa tiwa ookuume ke yaheyali nomukulukadhi gwe omutihetatu. Mbaka oya kambadhala shili okukala popepi naye nokweeta andola omakwatho taga pumbiwa, ihe mokati komakwatho gawo, Job ota ti owala:

Akwetse, ando ku na omuntu ta pulakene ndje. Job 31:35

Aakwathi mbaka oya ningi ashihe taa vulu koshipala shaKalunga ngaashi ehungomwenyo lyopakriste tali dhiladhilwa. Oya ningi ngaashi aasitagongalo naawiliki yaagundjuka naayevangeliste haa ningi. Oya pukulula, oyi ihempululitha, oye mu longo, oye mu uvithile kutya: Itedhulula.

Ihe ongaanashilonga, otwa pumbwa oku ipula tango: Otatu gandja tuu shono shi na okugandjwa nosha pumbiwa kaayakulwa yetu? Aantu oye tu uvite ko tuu?

Oshike aantu ya pumbwa tu ya ningile? Omapulo, omagando, omafudhitho nomalongo? Nenge oku ya leshela Ombimbeli noku ya galikanena? Okuume kaJob nayo osho ya ningi, ya uvitha omauvitho omaleeleka ihe Job ota ti owala:

One aatungi aafundja mwa hala oku iopalekitha 13:4,7

Okulesha embo IyaJob, itatu kala inaatu ipula kutya opauthemba unipo omuntu ta limbililwa eitaalo lyomukwawo? Notashi tu kumitha sho tse aawiliki aalimbililwi yuukriste wooyakwetu nomomeho getu yalwe kaye na oshili nokaye shi okwiitedhulula.

Olwindji momapopyo getu ohamu holoka olwindji einenepeko notwa tseyaniwa ashihe kombinga yomukwetu naashoka e na oku shi ninga. Kalunga mwene ota lombwele ookuume kaJob ta ti:

Inamu popya ndje oohapu dhuuka, omuntu gwandje Job ngaashi a popya. 42:7

Osho omunashilonga kehe koshipala shaKalunga ota talithwa eitaalo lye nkene li li momeho gaKalunga, oshoka Kalunga ita pula eitaalo lyomunashilonga li mu fale muuyuuki, ihe moshili.

Mokuhunga omwenyo otatu pulwa kutya otu shi tuu okugandja esimano kaantu mboka taa nyengwa okuhempulula, kutya oyo aakriste, ihe yu uvite uunkundi nepunduko? Otwa pumbwa ekwatathano ewanawa pokati ketu nayo.

Oshinima oshinene osho shika, kutya shono shi li pokati ketu naayakulwa yetu oshi na okuyelithwa. Tse otu na okukuluka. Tse atuhe naayakulwa yetu otwa pumbwa eimutulo lyomwenyo. Kalunga okwa hala oku tu dhimina po oondjo dhetu nokwa hala oku tu ninga aayakuli tu uvite ko ompumbwe yomukwetu. Job 42:7

F.Ashipala



Esabati eshi la pita, Maria Magdalena naMaria ina yaJakob naSalome, ova landa omaadi mawa vo ve uye va vaeke oshimhu shaJesus, ongula onene yOsoondaxa fimbo etango inali pita. Eshi va ya mombila, ova mona mo omulumenhu e li omutumba a djala oshikutu shitoka nde ta ti kuvo:

Inamu haluka, nye otamu kongo Jesus ou a valelwa komushiyakano, nde kemo omu, okwa nyumuka. Taleni onhele apa a li a nangekwa. Mark. 16:1-6.

Omukriste nomauhamba avali

Omukriste oye oku li momauhamba avali ouhamba waKristus nouhamba wounyuni ou-Jesus mwene ta ti:

Itandi indile u va kufe mo mounyuni ou, ndelene u va amene kowii Joh.17:15.

Omauhamba aa avali okwe liindakana, e litwa mumwe. Omukriste ota fikama nee pokati lela pomashakeneno ile pomapandavanda omauhamba aa. Tashi ti omukriste oku li oshilyo moshilongo shaKristus, ndele pefimbo opo, tuu opo ye oku li natango oshilyo moshilongo sheehamba dokombada yedu.

Ngege handi popi ouhamba wounyuni itandi diladila epangelo lasatana ndelene epangelo lohilongo ngaashi tu li na. Omukriste ke li ashike meongalo ndelene oku li yo momukunda.

Omukriste iha futu ashike omido kongerki ndelene oha fendele yo kepangelo lohilongo. Eshi hano otashi holola kuatya omukriste oku li shili momauhamba avali.

Omadiladilo aa okwa li a diininwa unene pefimbo leyelifo leitaavelo, unene komundohotola Martin Luther. Ndele pomafimbo etu elongo eli oli li po tali divala notali kanifa omungo walo. Ngashi hapa udika omatumbulo oludi eli:

Omukwangerki ina pumbwa okulidopa mo-nima yepangelo nonande ye oku li yo omupangelwa, ha fendele ha lande epya no-sho tuu. Omukwanepangelo ke na okuya-

ndja okutwi kwaye kOngerki, nonande ovapangelwa vaye ovo oilyo yongerki.

Pamwe eshi otashi di mokuhaudako nawa omadiladilo aMartin Luther mokupopya omauhamba avali. Nande Martin a li ta hongo shili kutya omauhamba aa avali keshe umwe nau longe oilonga yao, ina diladila oku a topola kutya ngeno oilyo yepangelo laKristus (ongerki) oye likalekelwa penya manga oilyo yepangelo lokombada yedu i lilile penya. Luther ota ti:

Omauhamba aa aeshe avali oku li koshi yepangelo lOmunaenghono adishe. Aeshe oo oku li oilongifo meke yaye. Ongerki oi li po okutandavelifa ouyelele wexupifo laKalunga mokati kovanhu kombada yedu, manga epangelo lohilongo li li po oshilongifo meke laKalunga okudiinina oukwashili nonghalafano tai nyakula mokati kovanhu kombada yedu Rom.13:1-7.

Ndele omunhu umwe ota dulu nokwa u-fwa okukala oshilyo momauhamba aa aeshe avali pefimbo limwe alike. Omukriste oye oshihopaelelwa moshinima eshi, onge ota teelwela okuwanifa oinakuwanifwa yaye ashike momauhamba aeshe pefimbo limwe alike.

Ehokololo eli olile, ndele otali tetwilwa neendjovo tadi ti: Ame onda pewa epangelo alishe meulu nokombada yedu.....Mat.28:18. Hano Kristus oye omupangeli waashishe (Pantokrator) Ehol, 1:8 Na fimane.

A. Hasheela



A mana oondjenda

Twewaadha Nkalamba okwa mana oondjenda dhe 5.3.1973 mOkahandja. Omusamane Nkalamba, okwa zile pomukunda Oshuungu, mUukwambi, nokwa hulitha ashike ombadhilila.

Tu tonateni, oshoka katu shiwo siku Omuwa gwetu te ya. Mat. 24:42.

Sakaria Ambunda

UUKUMWE WAANTU

Aantu ayehe aashitwa oyo aana yaKalunga. Ngele otwi itaala muTate gumwe awike gwomegulu, nena otu na okutalathana onga-shi aamwayinathana naakwanezimo limwe, ezimo lyOmuntu.

Opu na iinima oyindji mbyoka tayi ningi omuntu a dhiladhile kutya oye oku vule omukwawo. Aantu yamwe ohaa dhiladhila, molwashoka oshipa shawo inashi fa shayalwe, oyo oye li hwepo ye vule yakwawo. Shika osho epuko enene.

Aantu yomalwaala gi ili nogi ili oya fa oongala ndhoka dhi li moshikunino, opo oshikunino shi kale sho opala nawa. Ngele moshikunino oongala odhi li mo olwaala lumwe aluke, nena oshikunino shika itashi opala.

Kalunga oye okwa fa omusita ngoka omwaanawa ta tala oonzi dhe oontokele kutya odha faathana owala naandhoka oonduudhe pwaa na eyoololo nando.

Kalunga oye oku tu hole atuhe nando tu kale nolwaala lwa tya ngiini. Omolwashike tatu talathana ongaakwiilongo? Otse otwa zi momuntu gumwe.

Aaholike yandje, ehanganano epe lyuukumwe oli li mokati keni, inamu talathana ongaakwiilongo. One iyimati yomuti gumwe, one omafo gokoshitayi shimwe. Kale-ni ngaashi ominwe dhokoshikaha shimwe, niilyo yolutu lumwe, oshoka amuhe omwa zi muAdam ngoka ekota, naakuuyuni ayehe oyo itayi.

Aantu ayehe oyo oonzi dhaKalunga ngoka Omusita omwaanawa, oye oku hole oonzi adhihe, oshoka oye okwe dhi shiti, te dhi sile oshimpwiyu noku dhi palutha, oshoka oye Kalunga ihaa tala ondjelo yomuntu.

Natu galikaneneni uukumwe muuyuni

Kalunga ketu, Kalunga ketu! Hanganitha kumwe omitima dhaantu yoye, ngoye u ya holo-lele omadhiladhilo goye omanenenene, opo ya wape okulandula omautho goye yo ya kale pompango yoye. Ya kwatha moonkambadhala dhawo ngoye u ya pe oonkondo oku ku longela. Ino ya etha ya kale oyo ayeke, ihe ya enditha moshinkoti shoye okuuyelele wokutseya kwoye ngoye u nyanyudhe omitima dhawo nohole yoye. Ongoye omukwathi gwawo nOmuwa gwawo.

Lya lundululwa kuTimothy Namuhuja dha kuthwa membo lyOshiingilisa
NEW GARDEN.



Ovapilisteli ovakulunhu novafalisayi ove uya kuPilatus tava ti: Omwene, otwa dimbulukwa omupukifi winya fimbo a li nomwenyo, okwa tya kutya ngeenge pa piti omafiku atatu ota nyumuka. Lombwela hano ombila i kelelwe fiyo kefiku etitatu, ovahongwa vaye vehe uye nde tave mu vaka mo, vo va lombwele ovanhu kutya okwa nyumuka.

Pilatus okwa tya kuvo: Otamu pewa ovakeeleli. Ndele vo ova ya ko va keelele ombila. Mat. 27:62-66.

Evangelii Iya kwatathana nethimbo

Okwaakalapamwe, okwaalongelakumwe osho wo okwaa na uukumwe tau taaguluka oongamba dhomikunda, dhomaitaalo nenge dhuukwaludhi, shika osho etindi Iya eta oluhepo maantu sho aavithi yevangeli ya ningi aanangunga yaIyo.

Osho sha zi mehokololo lyoshigongi shoka sha ningwa muDurban kaavithi yevangeli muumbugantu waAfrika omasiku ga zi ko.

Oshigongi oshinene okukundathana etumo noshilonga shevangeli shono sha ningwa mu S.A. pokati kaMaalitsa numvo, osha dhimbulula nkene evangeli kali na nando ongamba yontumba mpoka itaali vulu okuthikithwapo.

Evangelii nali kale tali gumu omudhingoloko moka omuntu e li, Iyo eta li kala li na

NATANGO EESHONDOLO INADI MONENWA ONDJILA

Natango otaku kongwa ondjila tai ka mana po omukundu wovalaule vehe na oilonga meedolopa.

Osha dja moshifo shEpagelo "Die Suidwester 21.3.73.

Moshoongalele shovayandji voilonga pamaludi aeshe oilonga muSuidwes, omwa tiwa kutya onghatu otai ka katukwa komesho omolwaavo vehe na oilonga meedolopa, nomadina otaa ka konekwa vaha lyate nande vali mOushimba.

Opo ku fikifwe melalakano loshinima eshi, elongelokumwe nomapangelo omadumbo otali teelwa.

Moshoongalele eshi omo mwa li muhe na nande omukalelipo umwe wovatambuli voilonga, omwa tokolwa okangudu kokukonakona omaudjuu aeshe opokati kovayandji voilonga novatambuli voilonga.

Komufala Ndjai weedalele daSuidwes oku li yo oshilyo mokakomitiye oko.

NATANGO ONGERKI OTAI KA YA MEENGHUNDAFANA NEPANGELO

Epangelongerki la ELOK ola ninga eindilo kovaitaveli aveshe va dimbulukwe eshakeno lovawilikingerki veengerki eenghwaevangeli paLuther dovalaule muNamibia noministeli yotete ya S.A. omushamane John Vorster.

Eshakeno eli oli li ko eti 30.4. 1973 muKapstad panhumbu yEpangelongerki.

Odula ya dja ko ovawilikingerki ava okwa li va shakana natango meenghundafana noministeli ya S.A. mOvenduka omo va yandjele omadiladilo ongerki mekwatafano nonghalo yOvanambia nova indila Epangelo la S.A. li kufe po oinima tai nyono ombili moshilongo.

Ope na eteelelo la pama kutya ongerki natango otai ka twikila noshinima eshi.

Pashiiwifo la dja mEpangelongerki ovakali meenghundafana medina lOngerki ei: omubishofi dr. L. Auala, hamushanga waye Rev. Petrus Shipena naRev. Jason Amakutuwa omupashukilishitangerki shaUninginino.

Kombinga yomwamemengerki mOushimba, osha kala inashi yela nawa fiyo opapa kutya oolyeye naanaa tava ka kala meenghundafana.

ondilo kukehe tuu ngoka te li taamba, ehokololo Iya ti.

Oshigongi shika osha li shotango koludhi lwasho okuningwa muSuid-Afrika moka omuyevangeliste omunene muAmerika Dr. Billy Graham a kala nokwa li a hanganitha uukwatya woshigongi mumwe aaluudhe naatiligane pwaa na okutalwa olupe lwokombanda.

"Pomahala ogendji onde shi holola sha yela nawa kutya okatongotongo itaka piti," elunduluko monkalathano, momadhiladhilo nolyomomitima oIyo alike Iya tegelelwa li ningwe."

Osho omuyevangeliste Billy a holola sho a shuna ku Amerika, konima yomasiku 10 a kala mu S.A. Aantu ye vule 100,000 oya li ye mu pulakene mu S.A. noyi igandja kOmuwa.

Oshigongi osha dhimbulula nawa kutya okutsakanena nokuya moonkundathana osho

Ovalumenhu vavali okwa li tava i kuEmaus okudja muJerusalem, mondjila ova kundafana enyumuko. Fimbo tava pulafana Jesus okwa ehena kuvo nde ta ende pamwe navo. Omesho avo okwa li a keelelwa vehe mu dimbulukwe.

Eshi e va pula eshi tava kundafana, Ova hovela oku mu hokololela oiningwanima aisho. Jesus okwa tya kuvo: Ovashima nye, inamu hala okwiitavela eshi ashisho sha tongwa momikanda dovaxunganeke.

Kristus ka li e na okuhepekwa mbela noinima ei, noku ya moshinge shaye?

Fimbo ve li omutumba koshililo pamwe naye, Jesus okwa kufa omungome nde ta hambelele nde ta pambula nde te u va pe. Omesho avo okwa pashuka nde tave mu dimbulukwa, Jesus nokwa kana po diva moipafi yavo.

Va shiivwa kOshoongalelengerki

Oshoongalelengerki mu ELOK eshi tashi ka kala ko neudo muJuli, omwa teelwa yo ovaenda va fiimana tava di pondje yOwambo.

Pashiiwifo lEpangelongerki nokuhamushanga walo, ovawiliki veengerki eenghwaevangeli paLuther muSuidwes nomu S. A. ova shivwa moshoongalele eshi.

Omuwilikingerki womwamemengerki dr. Lukas de Vries, hamushanga waye Rev. Hendrik Frederik

ashike ompito aantu taa vulu okwiilongathana, okupulakenathana nawa, okwiifupipikilathana nokwiilongekidha okudhimitathana.

Oshigongi moka omuyevangeliste gwongerki yetu wo a li omuhiywa nokwa kala mo, otashi indile oongerki adhihe muumbugantu waAfrika dhi lalakanene uukumwe opo pu holoke uupe wopambepo.

2. Otashi indile wo oongerki dhi longekidhe ondjila tayi fala meuvathanoko ewanawa, unene oongerki ookwaLuther dha hangana (FELKSA) opo oongamba dhuukwaludhi dhi teywepo.

3. Felksa ngeno a longekidhepo wo oshigongi tashi kundathana evangeli tali gumu omuntu gwomonkalo kehe.

4. Ko ku ningwe ashihe tashi vulika okwaadha uukumwe moshinima kehe ngaashi wo oondjambi dhaaniilonga.

5. Nohugunina ku ningwe omaputudho paukumwe woongerki opo ku monike mboka ya putudhilwa iimpwiyu ngashi miinima yaagundjuka, yaanona, yevangelisasi, yuuteologi noyaayakuligangalo.



nomuwiliki munini Rev. Paulus Gowoaseb, ova teelwa moshoongalelengerki eshi.

Ovawilikingerki va FELKSA yo ku S. A. ngashi omupresidende wehangano olo Rev. W. Habelgaarn nahamushanga wehangano Rev. K. Schmale, navo ova tuminwa eshivo.

Inashi yela nawa nenge otapu ningwa natango omashivo amwe kumemengerki. Osho hamushanga wepangelongelengeriki Rev. Petrus Shipena a tonga.

Ongame nge tandi yeluthwa,
ayehe otandi ya hili kungame.



Ovatameki volwiimbo mu Elok

OSHOONGALELE SHO VATAMEKI VOMAIMBILO MOMAONGALO AESHE MONGERKI
YA ELOK, OTASHI KA HOVELA 30.4. FIYO 10.5.1973 MONGWEDIVA. EONGALO
KESHE TALI TEELELWA LI TUME OVATAMEKI VALO VAVALI.
OMUTAMEKI KESHE OTA INDILWA A ETELELE OIMALIWA 70c.

Magdalena Kambudu

OMUKWETU

Oshifo shOngerki onkwaevangeli paLuther
yomOwambokavango
Die Nuusblad van die Evangeliese Lutherse
Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omu-
mbisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika
R1.00, kombanda yomafuta R2.00
Oondando nomambestelo naga tumwe kOmu-
kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otashi futwa R1.90
oondeimi 3 otashi futwa R2.70
oondeimi 4 otashi futwa R3.40
oondeimi 5 otashi futwa R5.00
Oto vulu okutuma wo efano Iyaashono wa hala
shi tseyithwe.

Owambokavango Church Press
P/B 2013, Ondangwa, S. W. A.